

第一五四冊

方輿彙編

職方典

黃州府部

荊州府部

(卷)

二八四—二八六

二八七—二八八

古今圖書集成

中華書局影印

欽定古今圖書集成方輿彙編職方典

第一千一百八十四卷目錄

黃州府部藝文三

渡伍洲

木蘭歌

登琴臺

赴荊州泊三江口

蕲州刺史座右御製詩

九江口南濟北接蕲春南與潯陽岸

赤壁送別歌

宿蔡山峯頂

遊五祖寺

謝鄭公惠蕲竹簟

破額山

送蕲州李郎君赴任

送蕲春李使君赴郡

寄蕲春李使君播

黃州二首

郡齋獨酌詩黃州作

黃州寄李岳州

憶齊安郡

雨晴後步至四望亭下魚池上遂自乾明寺前

東岡上歸二首

齊安郡後池

齊安郡中偶題

題橫江館

周伍員

古樂府

梁簡文帝

元帝

唐元宗

蘇味道

李白

前人

裴度

韓愈

柳宗元

劉禹錫

白居易

前人

方干

杜牧

前人

前人

前人

前人

前人

前人

前人

前人

黃州竹筴

齊安郡晚秋

赤壁

蘭溪

懷木蘭將軍

蕲州行營

赤壁懷古

丫頭山

懷木蘭將軍

再遊木蘭寺

涵輝樓

陸羽茶泉

五祖寺

伍洲

懷望西山

登白蓮峰

卽黃州團練副使

安國寺浴

定惠院願師爲余竹下開嘯軒

遷居臨阜亭

東坡八首

大寒步至東坡贈巢三

浚井

寓居定惠院之東雜花滿山有海棠一株土人不知貴也

定惠院月夜偶出

次韻前篇

前人

前人

前人

前人

前人

前人

戴叔倫

崔塗

施達

無名氏

闕名

宋韓琦

王禹偁

歐陽修

蘇軾

前人

前人

前人

前人

前人

前人

前人

前人

前人

前人

前人

前人

前人

安國寺尋春

白芝一首

過江夜行武昌山陽黃州鼓角

南堂五首

東坡

少年書過一寺院見壁上有詩云夜涼疑有雨院靜似無僧不知何人詩也宿黃州禪智寺寺僧皆不在半夜中作偶記此詩故作一絕

黃州

問大冶長老乞桃花茶栽東坡

曉至巴河口迎子由

杭州故人信至齊安

送安節

雪後到乾明寺遂宿

寓清泉寺寒食雨二首

元修菜

次韻子瞻臨阜新葺南堂五絕

宿黃州觀音院鐘樓上

別黃州

臨江亭

病後登快哉亭

暮春懷黃州白維那

九日赤壁有懷

蕲州早起

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

蘇轍

黃庭堅

張耒

晁補之

賀鑄

前人

謝逸

楊時

黃州 陸游

東坡 張安國

雨中尋清泉 魏了翁

春日赤壁晚眺效謝康樂體二首 呂元音

黃州棲霞樓即景呈謝深道國政 戴復古

赤壁 李冕

夜泛赤壁 元楊惟中

齊安卽事五首 前人

四兄亭 幹克莊

陽邏堡 傅汝礪

前題 陳剛中

月下泛赤壁 周北山

黃州赤壁 丁鶴年

職方典第一千一百八十四卷

黃州府部藝文三

渡伍洲 周伍員

日月昭昭乎寢已馳與子期乎蘆之濱

日已夕兮予心憂悲月已馳兮何不渡爲事浸急兮

將奈何

木蘭歌 古樂府

唧唧復唧唧木蘭當戶織不聞機杼聲惟聞女嘆息問女何所思問女何所憶女亦無所思女亦無所憶

昨夜見軍帖可汗大點兵書十二卷卷卷有爺名
阿爺無大兒木蘭無長兄願爲市鞍馬從此替爺征
東市買鞍轡南市買馬頭北市買長鞭且辭爺娘去
暮宿黃河邊不聞爺娘喚女聲但聞黃河流水鳴濺
濺且辭黃河去暮宿黑山頭不聞爺娘喚女聲但聞
燕山胡騎鳴啾啾萬里赴戎機關山渡若飛朝氣傳
金柝寒光照鐵衣將軍北戰死壯士十年歸歸來見
天子天子坐明堂策勳十二卷賞賜百千錢可汗問
所欲木蘭不用尚書郎願馳千里足送兒還故鄉爺
娘聞女來出郭相扶將阿姊聞妹來當戶理紅妝小
弟聞姊來磨刀霍霍向豬羊開我東閣門坐我東閣
牀脫我戰時衣著我舊時裳當窗理雲鬢對鏡帖花
黃出門看火伴火伴皆驚忙同行十二年不知木蘭
是女郎雄兔脚撲朔雌兔眼迷離雙兔傍地走安能
辨我是雄雌

登琴臺

梁簡文帝

蕪階踐昔徑復想鳴琴遊音容萬卷罷高名千載留
弱枝生古樹舊石抗新流由來遞相欺逝川終不收
赴荊州泊三江口 元帝

涉江望行旅金鉤間綵旂水際含天色虹光入浪浮
柳條恆掃岸花氣盡薰舟叢林多故社單戍有危樓
疊鼓隨朱鷺長簫應紫驪蓮舟夾鶴驚書舸覆綫油
榜歌殊未息於茲泛安流

新州刺史座右御製詩

唐元宗

睿言思共理鑑古想維良猗歟此推擇聲績著周行
賢能既俟進黎庶實矜康視人當如子愛人亦如傷
講學試誦論所陌勸耕桑虛譽不可飾清知不可忘

求名迹易見安貞德自彰訟獄必以情教民貴有常
恤憫且存老撫弱復綏強勉哉各祗命體予眷萬方
九江口南濟北接新南與潯陽岸 蘇味道

江路一悠哉泊泊九派來遠潭昏似霧前浦沸成雷
鱗介多潛有漁商幾派派洞風搖蜀柁下日照楚萍開
近湫湓城曲斜吹蠡澤隈錫龜猶人貢浮獸罷爲災
津吏揮橈疾郵童整傳催歸心詎可問爲是落潮迴
赤壁送別歌 李白

二龍爭戰決雌雄赤壁樓船掃地空烈火張天照雲
海周輪於此破曹公君去滄江弄澄碧鯨鯢唐突留
遺蹟一一書來報故人我欲因之壯心魄 前人

宿蔡山峯頂

前人

夜宿峰頂寺舉手捫星辰不敢高聲語恐驚天上人
遊五祖寺 裴度

遍尋真蹟躡莓苔世事全拋不忍同上界不知何處
去西天移向此間來巖前芍藥師親種嶺上青松佛
手栽更有一般人不見白蓮花向半天開

謝鄭公惠新竹簾

韓愈

新州笛竹天下知鄭君所寶尤瓊奇攜來當畫不得
臥一府爭看黃琉璃體堅色淨又藏節滿眼凝滑無
瑕疵法曹貧賤衆所易腰腹空大何能爲自從五月
困暑濕如坐深甕遭蒸炊手摩袖拂心語口漫膚多
汗眞相宜日暮歸來獨惆悵有買只欲傾家資誰謂
故人知我意卷送八尺含風漪呼奴掃地展未了光
彩照耀驚童兒青蠅倒翅蜚避盡肅肅疑有清飈吹
倒身酣寢百疾愈却願天日常炎熾明珠清玉不足

報贈予相好無休時

破額山

柳宗元

破額山前碧玉流，騷人遙駐木蘭舟。
春風無限瀟湘意，欲採蘋花不自由。

送新州李郎君赴任

劉禹錫

楚關斬水路，非賒東望雲。
山日夕嘉，薤葉照人呈夏。
簞松花滿，旋試新茶樓中飲。
與因明月江上詩，情爲晚霞此地交情長。
引領早將元髮到京華。

送新州李使君赴郡

白居易

可憐官職好文詞，五十專城未是遲。
曉日鏡前無白髮，春風門外有紅旗。
郡中無處堪攜酒，席上誰人解和詩。
惟共交情開口笑，知君不及洛陽時。

寄新州李使君

前人

下車書奏義黃謀，動筆詩傳鮑謝風。
江郡謳吟誇杜母，洛城歡飲會車公。
笛愁春盡梅花裏，簞冷秋生薤葉中。
不道新州歌酒少，使君雅興與誰同。

黃州

方干

弭節齊安郡，孤城百戰殘。
傍村林有虎，帶郭縣無官。
暮角梅花怨清江，桂影寒黍離。
綠底事撩我起長歎。

又

杜牧

高亭廢已久，下有種魚塘。
暮色千山入，春風百草香。
市橋人寂寂，古寺竹蒼蒼。
鷓鴣來何處，號鳴滿夕陽。

郡齋獨酌詩黃州作

杜牧

前年鬢生雪，今年鬢帶霜。
時節序鱗次，古今同鷹行。
甘英窮西海，四萬到洛陽。
東南我所見，北可計幽荒。
中畫一萬國，角角基布方。
地頑壓不穴，天迴老不僵。
屈指百萬世，過如霹靂忙。
人生落其內，何者爲彭殤。

促束自繫縛，儒衣寬且長。
旗亭雪中過，敢問當爐娘。
我愛李侍中，標標七尺強。
白羽八札弓，腥腥綠檀槍。
風前略橫陣，紫髯分兩旁。
淮西萬虎士，怒目不敢當。
功成賜宴麟德殿，後趙鵲掠廣武場。
三千宮女側頭看，相排踏碎雙明璫。
旌竿標標旗，耀耀意氣橫。
鞭歸故鄉，我愛朱處士。
三吳當中央，龍亞名百頃稻，西風吹半黃。
尚可活鄉里，豈惟滿困倉。
後嶺翠撲撲，前溪碧泱泱。
霧曉起，鳬鴈日，晚下牛羊。
叔舅欲飲我，社麋爾來嘗。
伯姊子欲歸，彼亦有壺漿。
西阨下柳塢，東陌繞荷塘。
姻親骨肉含烟火，遙相望。
太守政如水，長官貪似狼。
徵輸一云畢，任爾自存亡。
我昔造其室，羽儀鸞鶴翔。
交橫碧流上，竹映琴書牀。
出語無近俗，亮舜禹武湯。
問今天子少誰人，爲棟梁。
我曰：天子聖，晉公提紀綱。
聯兵數十萬，附海正誅滄。
謂言大義小不義，取易掩席如探囊。
犀甲吳兵鬪弓弩，蛇矛燕戟馳鋒鋦。
豈知三載凡百戰，鉤車不得望其牆。
答云：此山外有事，同胡羌。
誰將國伐叛，話與釣魚郎。
漢南重迴首，一逕出修篁。
爾來十三歲，斯人未曾忘。
往往自撫己，淚下神蒼茫。
御史詔分洛，舉趾何猖狂。
闕下諫官業拜疏，無文章。
尋僧解幽夢，乞酒緩愁腸。
豈爲妻子計，未去山林藏。
平生五色線，願補舜衣裳。
絃歌教燕趙，蘭芷浴河湟。
腥膻一掃盡，兇很皆披攘。
生人但眠食，壽域富農桑。
孤吟志在此，自亦笑荒唐。
江郡兩初霽，刀好截秋光。
池邊成獨酌，攤鼻菊枝香。
醴醕更唱太平曲，仁聖天子壽無疆。

黃州寄李岳州

前人

城高倚絕巖，地勝足樓臺。
朔溪煖鴻去，瀟湘春水來。

齊安郡後池

前人

菱透浮萍綠錦池，夏鸞千轉弄葦葦。
盡日無人看微雨，鴛鴦相對浴紅衣。

齊安郡中偶題

前人

兩竿落日溪橋上，半縷輕煙柳影中。
多少綠荷相倚恨，一時翹首背西風。

題橫江館

前人

孫家兄弟晉龍驤，馳騁功名業帝王。
畢竟江山誰是主，苔磯空屬釣魚郎。

黃州竹筴

前人

竹岡蟠小徑，曲折圖蛇來。
三年得歸去，知幾幾千迴。

齊安郡晚秋

前人

柳岸風來影漸疎，使君家似野人居。
雲容水態還堪賞，嘯志歌懷亦自如。
雨暗殘燈燈散後，酒醒孤枕枕鴈來。
初可憐，赤壁爭雄雄渡唯，有蓑翁坐釣魚。

赤壁

前人

繫盤幾多思，掩抑若爲裁。
返照三聲角，寒香一梅樹。
烏林芳草遠，赤壁健帆開。
往事空遺恨，東流豈不迴。
分符潁川政，弔屈洛陽才。
拂匣調朱柱，磨鉛鏘玉杯。
碁翻小窟勢，爐撥凍醪醅。
此興予非薄，何時得奉陪。

折戟沈沙鐵未銷自將磨洗認前朝東風不與周郎
便銅雀春深鎖二喬

蘭溪

前人

蘭溪春盡碧泱泱映水蘭花雨後香楚國大夫憔悴
日應尋此路達瀟湘

懷木蘭將軍

前人

彎弓征戰作男兒夢裏曾經與畫眉幾度思歸還把
酒拂雲堆上祝明妃

斬州行營

戴叔倫

斬水城西向北看桃花落盡柳花殘朱旂半卷山川
小白馬連嘶草樹寒

赤壁懷古

崔塗

漢室山河鼎勢分勤王誰肯顧元勳不知征伐由天
子惟許英雄共使君江上戰餘陵是谷渡頭春在草
連雲分明勝敗無尋處空聽魚歌到夕曛

丫頭山

施逢

何不梳粧嫁去休常教人喚作丫頭只因不信良媒
說航閣千秋與萬秋

懷木蘭將軍

無名氏

出塞男兒面歸來女子身尚能降北虜斷不慕東鄰
再遊木蘭寺

無名氏

二十年前此地遊木蘭花發院初修而今再到經行
處樹老無花僧白頭

涵輝樓

宋韓琦

臨江三四樓次第壓城首山光徧軒楹波影撼意屬
予兄天聖中向攝齊安守兄才無不互更治孰可偶
公庭當寂然所樂在文酒

陸羽茶泉

王禹偁

甃石封苔幾尺深試嘗茶味少知音惟餘夜半泉中
月留照先生一片心

五祖寺

歐陽修

日暖東山去松門數里斜山林隱者趣鐘鼓梵王家
地僻遲春節風晴變物華雲光漸容與鳥弄已交加
冰下泉初動烟中茗未芽自憐多病客來探欲開花

伍洲

蘇軾

君家稻田冠西蜀擣玉揚珠三萬斛塞江流柿起書
樓碧瓦朱欄照山谷傾家取葉不論命散盡黃金如
轉軸惟餘舊書一百車方舟載入荆江曲江上青山
亦何有伍洲遙望劉郎數明朝寒食當過君請殺耕
牛饗私酒與君飲酒細論文酒酣訪古江之濱仲謀
公瑾不須弔一醉波神英烈君

懷望西山

前人

雙峯何處白雲悠赤壁十年戰未休縱使長江澄碧
玉誰將梅子落黃州

登白蓮峯

前人

登嶺勢巍巍蓮峰太華齊凭欄紅日蚤同看白雲低
松柏月中老猿狖物外啼禪師吟絕後千古指人迷

卽黃州團練副使

前人

平生文字爲吾累此去聲名不厭低塞上縱歸他日
馬城東不關少年鷄休官彭澤貧無酒隱几維摩病
有妻堪笑睢陽老從事爲予投檄向江西

安國寺浴

前人

老來百事懶身垢猶念浴衰髮不到耳尚煩月一沐
山城足薪炭烟霧濛湯谷塵垢能幾何偷然脫羈梏

披衣坐小閣散髮臨修竹心困萬緣空身安一牀足
豈惟淨塵穢兼以謝榮辱默歸無多談此理觀要熟
定惠院願師爲余竹下開嘯軒

前人

啼鴉催天明喧喧相詆譏暗蛩泣夜永唧唧自相弔
飲風蟬至潔長吟不改調食土蚓無腸亦自終夕叫
驚禽聲最鄙鵲喜意可料皆緣不平鳴惻然等嬉笑
阮生已疎狂孫子亦未妙道人開此軒清坐默自照
衝風振河海不能號無窮累盡無可言風來竹自嘯

遷居臨阜亭

前人

我生天地間一蟻寄大磨區區欲右行不救風輪左
雖云走仁義未免運寒餓劍米有危炊鉗鉗無穩坐
豈無佳山水借眼風雨過歸田不待老勇決凡幾箇
幸茲廢棄餘疲馬解鞍歇全家占江驛絕境天爲破
饑貧相乘除未見可弔賀澹然無憂樂苦語不成些

東坡八首

前人

予至黃二年日以困匱故人馬正卿哀予乏食爲
予郡中請故營地數十畝使得躬耕其中地既久
荒爲茨棘瓦礫之場而歲又大旱墾闢之勞筋力
殆盡釋耒而嘆乃作是詩自懲其勤庶幾來歲之
入以忘其勞焉

廢壘無人顧頽垣滿蓬蒿誰能損筋力歲晚不償勞
獨有孤旅人天窮無所逃端來拾瓦礫歲旱土不膏
崎嶇草棘中欲刮一寸毛喟然釋耒嘆我屢何時高
又

荒田雖浪莽高下各有適下濕種秔稈高原蒔棗栗
江南有蜀土桑果已訖乞好竹不難栽但恐鞭橫逸
仍須卜佳處現以安我家童燒枯草走報暗井出

一飽未敢期瓢飲已可必

又

自昔有微泉來從遠嶺背穿城過聚落流惡壯蓬艾
去爲柯氏陂十畝魚蝦會歲旱泉亦竭枯萍粘破塊
昨夜南山雲雨到一犁外沙然尋故漬知我理荒蒼
泥芹有宿根一寸嗟獨在雪芽何時動春鳩行可瞻
蜀人黃芹芽蕭
維鳩肉作之

又

種稻清明前樂事我能數毛空暗春澤鹹水間好語
分秧及初夏漸喜風葉舉月明看露上一珠垂纓
秋來霜穗重顛倒相撐拄但聞畦壟間蛙蛙如風雨
新春便入甌玉粒照筐筥我久食官倉紅腐等泥土
行當知此味口腹已無許

又

良農惜地力幸此十年荒桑柘未及成一麥庶可望
投種未逾月覆塊已蒼蒼農夫告我言勿使苗葉昌
君欲富餅餌要須縱牛羊再拜謝苦言得飽不敢忘

又

種桑期可剝種松期可斲事在十年外吾計亦已懸
十年何足道千載如風電舊聞李衡奴此策疑可學
我有同舍郎官居在瀟岳遺我三寸柑照坐光卓犖
百載倘可致當及春冰渥想見竹籬間青黃垂屋角

又

潘子久不調沽酒江南村郭生本將種賣藥市西垣
古生亦好事恐是押衙孫家有十畝竹無時容扣門
我窮交舊絕三子獨見存從我於東坡勞餉同一殮
可憐杜拾遺事與朱阮論吾師卜子夏四海皆弟兄

又

馬生本窮士從我二十年日夜望我貴求分買山錢
我今反累生借耕輟茲田刮毛龜背上何時得成甌
可憐馬生癡至今誇我賢衆笑終不悔施一當獲千
大寒步至東坡贈巢三
前人

春雨如暗塵春風吹倒人東坡數間屋菓子與誰鄰
空牀斂敗絮破甕響生薪相對不言寒哀哉知我貧
我有一瓢酒獨飲良不仁未能賴我煩聊復濡子唇
故人千鐘祿取更醉吐茵那知我與子坐作寒蛩聲
努力莫怨天我爾皆天民行看花柳動共享無邊春
浚井
前人

古井沒荒萊不食誰爲惻餅罌下兩綆蛙蚓爬百尺
腥風散泥滓空響聞點滴上除青青芹下洗鑿鑿石
沾濡愧童僕盃酒暖寒栗白水漸泓渟青天落寒碧
云何失舊機底處來新潔井在有無中無來亦無失
寓居定惠院之東雜花滿山有海棠一株土人
不知貴也
前人

不知貴也

前人

江城地瘠蕃草木只有名花苦幽獨嫣然一笑竹籬
間桃李漫山總粗俗也知造物有深意故遣佳人在
空谷自然富貴出天姿不待金盤薦華屋朱唇得酒
暈生臉翠袖捲紗紅映肉林深霧縠曉光遲日暖風
輕春睡足雨中有淚亦悽愴月下無人更清淑先生
食飽無一事散步逍遙自捫腹不問人家與僧舍拄
杖敲門看修竹忽逢絕艷照衰朽歎息無言指病目
陋邦何處得此花無乃好事移西蜀寸根千里不易
到衙子飛來定鴻鵠天涯流落俱可念爲飲一尊歌
此曲明朝酒醒還獨來雪落紛紛那忍觸

定惠院月夜偶出

前人

幽人無事不出門偶逐東風轉良夜參差玉宇飛木
末繚繞香烟來月下江雲有態清自媚竹露無聲浩
如瀉已驚弱柳萬絲垂尚有殘梅一枝亞清詩獨吟
還自和白酒已盡誰能借不辭青春忽忽過但恐歡
意年年謝自知醉耳愛松風會揀霜林結茅舍浮浮
大飯長炊玉溜溜小槽如壓蔗飲中真味老更濃醉
裏狂言醒可怕但當謝客對妻子倒冠落珮從嘲罵
次韻前篇
前人

次韻前篇

前人

去年花落徐州對月酣歌美清夜今年黃州見花
發小院閉門風露下萬事如花不可期餘生似酒那
禁瀉憶昔還鄉沂巴峽帆落樊口高桅亞長江滾滾
空自流白髮紛紛寧少借竟無五畝繼沮溺空有千
篇凌鮑謝至今歸計負雲山未免孤衾眠客舍少年
辛苦真食譽老境清閒如啖蔗飢寒未至且安居憂
患已空猶夢怕穿花踏月飲村酒免使醉歸官長罵
安國寺尋春
前人

安國寺尋春

前人

臥聞百舌呼春風起尋花柳村村同城南古寺修竹
合小房曲檻深紅看花數老憶年少對酒思家愁
老翁病眼不羞雲母亂髮絲強理茶烟中遙知二月
王城外玉仙洪福花如海薄羅勻霧蓋新妝怪馬爭
風鳴雜佩玉川先生真可憐一生航酒終無錢病過
春風九十日獨抱添丁看花發

石芝一首

前人

元豐三年賦在黃州五月十一日癸酉夜夢遊何
人家開堂西門有小園古井井上皆蒼石石上生
紫藤如龍蛇枝葉如赤箭主人言此石芝也余率

爾折食一枝衆皆驚笑其味如鷄蘇而甘明日作此詩

空堂明月清且新幽人睡思來初勻了然非夢亦非覺有人夜呼祈孔賓披衣相從到何許朱欄碧井開瓊戶忽驚石上堆龍蛇玉芝紫笋生無數鏘然敲折青珊瑚味如蜜藕和鷄蘇主人相顧一拊掌滿堂坐客皆盧胡亦知洞府嘲輕脫終勝嵇康羨王烈神仙一合五百年風吹石髓堅如鐵

過江夜行武昌山聞黃州鼓角 前人

清風弄水月銜山幽人夜渡吳王峴黃州鼓角亦多情送我南來不解還江南又聞出塞曲半雜江聲作悲健誰言萬方聲一槩鼂憤龍愁爲予變我記江邊枯柳樹未死相逢真識面他年一葉沂江來還吹此曲相迎錢

南堂 五首 前人

江上西山半隱堤此邦臺館一時西南堂獨有西南向臥看千帆落淺溪

又

暮年眼力嗟猶在多病顛毛却未華故作明窓書小字更開幽室養丹砂

又

他時雨後困移牀坐厭愁聲點客腸一聽南堂新瓦響似聞東塢小荷香

又

山家爲割千房蜜稚子新畦五畝蔬更有南堂堪共客不憂門外故人車

又

掃地燒香閉閣眠簾紋如水帳如烟客來夢覺知何處掛起西窗浪接天

東坡 前人

雨洗東坡月色清市人行盡野人行莫嫌犖确坡頭路自愛鏗然曳杖聲

少年嘗過一村院見壁上有詩云夜涼疑有雨院靜似無僧不知何人詩也宿黃州禪智寺寺僧皆不在半夜雨作偶記此詩故作一絕

佛燈漸暗俄鼠出山雨忽來修竹鳴知是何人舊詩句已應知我此時情

黃州 前人

南山一尺雪雪盡山蒼然澗谷深自暖梅花應已繁使君厭騎從車馬畱山前行歌招野叟共步青林間長松得高陰磐石堪醉眠祇聽山鳥攜琴寫幽泉愛之欲忘返但苦世俗牽歸來始覺遠明月高峯巖

問大治長老乞桃花茶栽東坡 前人

周詩記苦茶若飲出近世初緣厭肉假此雪昏滯嗟我五畝園桑麥苦蒙蔭不令寸地閒更乞茶子蔬飢寒未知免已作大飽計庶將通有無農末不相戾春來凍地裂紫笋森已銳牛羊煩訶叱僅營未敢睨江南老道人齒髮日夜逝他年雪堂品尚記桃花裔

曉至巴河口迎子由 前人

去年御史府舉動觸四壁幽幽百尺井仰天無一席隔牆聞歌呼自恨計之失留詩不忍寫苦淚漬紙筆餘生復何幸樂事有今日江流鏡面淨煙雨輕羈羈孤舟如鸕鷀點破千頃碧聞君在磁湖欲見隔咫尺

朝來好風色旗尾西北擲行當中流見笑眼清光溢此邦疑可老修竹帶泉石欲買柯氏林茲謀待君必

杭州故人信至齊安 前人

昨夜風月清夢到西湖上朝來聞好語扣戶得吳餉輕圓白醞荔脆饌紅螺醬更將西庵茶勸我洗江瘴故人情義重說我必西向一年兩僕夫千里同無恙相期結書社未怕供詩帳還將夢魂去一夜到江漲

送安節 前人

索漠齊安郡從來著放臣如何風雪裏更送獨歸人雪後到乾明寺遂宿 前人

門外山光馬亦驚塔前展齒我先行風花誤入長春苑雪月常臨不夜城未許牛羊傷至潔且看鴉鵲弄新晴更須攜被畱僧榻待聽推簷瀉竹聲

寓清泉寺寒食雨二首 德占見訪清泉作此 前人

自我來黃州已過三寒食年年欲惜春春去不吝惜今年又苦雨兩月秋蕭瑟臥聞海棠花泥污感脂雪暗中偷負去夜半真有力何殊病少年病起頭已白

又 春江欲入戶雨勢來不已小屋如漁舟濛濛水雲裏空庖煮寒菜破竈燒濕葦那知是寒食但見烏銜紙君門深九重墳墓在萬里也擬哭途窮死灰吹不起

元修菜 井井 前人

菜之美者有吾鄉之巢故人巢元修嗜之余亦嗜之元修云使孔北海見當復云吾家菜耶因謂之元修菜余去鄉十有五年思而不可得元修適自蜀來見余於黃乃作是詩使歸致其子而種之東

坡之下云

彼美君家菜鋪田綠茸茸豆莢圓且小槐芽細而豐
種之秋雨餘擢秀繁霜中欲花而未夢一一如青蟲
是時青裙女採擷何匆匆蒸之復湘之香色蔚其饒
點酒下鹽鼓樓燈毛薑蔥那知鷄與豚但恐放箸空
春盡苗葉老耕翻烟雨叢潤隨甘澤化煖作青泥融
始終不我負力與糞壤同我老忘家舍楚音變兒童
此物獨嫵媚終年繁余曾君歸致其子囊盛勿函封
張騫移首舊適用如葵松馬援載蔥苴羅生等蒿蓬
懸知東坡下芥鹵化千鍾長使齊安人指此說兩翁
次韻子瞻臨臯新葺南堂五絕 蘇轍

江聲六月撼長堤雪嶺千重過屋西一葉軒昂方斷
渡南堂蕭散夢寒溪

蘇轍

又
旅食三年已是家堂成非陋亦非華何方道士知人
意授與爐中一粒砂

又
北牖清風正滿牀東坡野菜漫充腸華池自有醞醕
味丈室仍聞薝蔔香

宿黃州觀音院鐘樓上 黃庭堅
鐘鳴山川曉露下星斗濕老夫梳白頭潘何填荒集

別黃州 張耒

扁舟發孤城揮手謝送者山回地勢卷天豁江面瀉
中流望赤壁石脚挿水下昏昏烟霧嶺歷歷漁樵舍
居此實三載鄰里通假借別之豈無情老淚爲一灑
篙工起鳴鼓輕櫓健於馬聊爲過江宿寂寂樊山夜

臨江亭

晁補之

古木嘯寒禽層城帶夕陰梁園多綠樹楚岸盡楓林
山際豈爲險江流長自深平生何所恨天地本無心
病後登快哉亭 賀鑄

經雨清蟬得意鳴紅塵開處見歸程病來把酒不知
厭夢後倚樓無限情鴛鴦殘枝投古剎草將野色入
荒城故園又負黃華約但覺秋風鬢上生

暮春懷黃州白維那 前人

經春不見白維那花落瓊臺想已多陶令柴桑何日
去遠公蓮社幾時過開來貝葉還同寫病裏胡笳祇
自歌短髮近來渾似雪朝衣從此掛青蘿

九日赤壁有懷 謝逸

滿城風雨近重陽無奈黃花惱意香雪浪翻天迷赤
壁令人西望憶潘郎

廬州早起 楊時

城頭雷動角聲哀似共行人怨落梅欲報晨炊未
熟喚回殘夢眼慵開霜清暗覺貂裘冷月淡空令大
吹催倚杖起肩風正烈不堪嘶馬重徘徊

黃州 陸游

局促常悲類楚囚遷流還嘆學齊優江聲不盡英雄
恨天地無私草木秋萬里羈愁添白髮一帆寒日過
黃州君看赤壁終陳跡生子何須萬戶侯

東坡 張安國

繫船看西日曳杖到東坡暗井蛙成部荒祠鳥作窩
老仙騎鶴去稚子飯牛歌興廢何須問斯文自不磨

雨中尋清泉寺 魏了翁

征帆百尺艤江皋小棹頻移野橋爲愛清泉禪境

勝不知冒雨客途遙千尊石佛藏烟霧一派珠旒應
海潮坐對高僧清話處胸中塵想覺全消
春日赤壁晚眺效謝康樂體 呂元音

步出城西隅俯然靈界敞輕陰夕暉涼風正飄蕩
雨初綠楚秀臺高白雲朗疊堆刺中流千颿落萍泱
林烟曳翠綃湖霞披絳幌旣憐僻野性復愜滄洲賞
振衣登前岡徘徊命吾黨愛此離埃氛且得脫羈鞅
美酒滌煩囂劇談發神爽會須倚層樓一嘯衆山響

又

纖月掛東林義和節西弭遊目意未足緩步信所履
逕轉石磴圻溪漲漁梁毀翠若出水鮮朱櫻然林紫
涓涓芳露潤淡淡行雲止野照晃空明泉溜響清泚
伊余丘壑姿眷茲景物美登眺豁幽襟俯仰忘悲喜
凭高身以軒臨流耳堪洗冷泠御風遠悠悠得眞理
塵世事俱非獨此逍遙是預愁還城市車馬紛如駛
黃州樓霞樓即景呈謝深道國政 戴復古

朝來欄檻倚晴空暮來烟雨迷飛鴻白衣蒼狗易改
變淡妝濃抹難形容蘆洲渺渺去無極數點斷山橫
遠碧樊山諸峰立一壁非烟非霧籠秋色須臾黑雲
如潑墨欲雨不雨不可得須臾雲開見落日忽展一
機雲錦出一態未了一態生愈變愈奇人莫測使君
抱酒索我詩索詩不得呼書師要知作詩如作畫人
力豈能窮造化 李冕

赤壁 李冕

贏得功名兩鬢秋巖巖登處謾夷翁鄉關地迥三千

里金闕天高十二樓鶴影伴雲飛渺渺水光浮日去
悠悠憑誰喚起東坡叟攜酒中流夜汎舟

夜泛赤壁

元楊惟中

暫疑清江舸來登赤壁山怒虬松偃映漱玉水潺湲
明月尊前色丹崖戰後顏高城催暮角醉倚棹歌還

齊安卽事五首

前人

初入黃州市蕭然綠樹村刈茅低縛屋剖草密編門
桃李花零落山川勢吐吞塵民來一二敬喜爲溫存

又

霽雨一城暗梨花三月天空梁春蟻壁疎壁暮蚊穿
草密藏枯井苔荒蝕斷碑開門山色好飛翠落吟箋

又

江月簫聲遠春城竹色斑天文鴉鳥次城陰虎頭關
綰綬此爲郡結茅先對山雨晴開布穀闌草未能閑

又

雨過山添色推窗翠撲衣秧隨新水長蝶趁落花飛
江近簷頭掛春從客裏歸沙乾聊可步倚杖綠陰肥

又

千村新雨過水滿綠苗生蠶麥收成速兵農賦役輕
紛紛挈家室日日到州城訟簡有公暇江山共此清

四見亭

韓克莊

前朝亭廢野蕪侵暇日躋攀試眺吟楚地寒烟青嶂
遠漢江秋水碧流深連城阡陌桑麻滿負郭人家竹

葉森千載麒麟山下路不知遊客幾登臨

陽邏堡

傅汝礪

微雨瀟瀟濕行李馬頭卽見長江水烟浦明侵白鳥
邊風帆亂入青雲裏望人南北久離居况復今年無

素書明日重吟漢陽樹何須不食武昌魚

前題

陳剛中

陽邏殘堡高巖岬亂山勢如秋蛇蟠長江西來五千
里雪濤怒濺秋風寒憶昔王師駐江上旌旗百萬騰

江干江神俛首不敢喘鏡光浮碧無驚濤乾坤一統
自此始坐見北極朝衣冠我來斬黃望夏口彷彿但

認烟波竿漁歌數聲起何處白鳥飛盡青天寬鰥公
盈尺不論價偷然一笑生清歡興亡往事誰復問磯

頭石老蒼苔乾津鼓急催渡江去又見曉日浮晴巒

月下泛赤壁

周北山

赤壁之山何峻嶒下有江水何清冷天空月出夜寥
沈玻璃萬頃涵秋未爲問黃州雪堂老巧宦何如遷

客好酒酣攜客夜擎舟憂患都將談笑了劃然長嘯
來天風神遊八極世慮空但見橫江露華白舉袂欲

挹浮丘公洞簫聲斷潛蛟舞月下清尊貯千古老瞞
當日困周郎千里樓船關魏虎烟消水冷沉戈矛空

餘野燐寒沙頭江山寂寞總陳蹟追憶往事懷風流
勝遊到我知幾度感昔視今猶旦暮乾坤何時老英

黃州赤壁

丁鶴年

橫槊英名遠聞簫聲逸興長至今風月夜鶴夢遼黃岡

欽定古今圖書集成方輿彙編職方典

第一千一百八十五卷目錄

黃州府部藝文四

過攔江磯即茶房石在攔江中

泊新生洲

望新州

環翠亭

赤壁歌

詠赤壁

竹樓

定惠院步蘇公海棠詞韻

至李坪驛始見竹筏上居民連亙三十餘家云

隨流上下作簾治板行販

過弘化庵四首

過孔子問津處

由清泉過茶泉建亭其上

寄題清泉寺園三閣

蘭溪江晚

九日登聚寶山

登赤壁酌江亭

題木蘭寺

黃岡山莊雜興十章

定惠院宴集二章

柯山園四首

過龍眼磯在新州江心

題浮玉亭

明陶安

前人

楊基

高啓

方孝孺

藍潤

何喬新

邵寶

王世貞

茅瑞徵

前人

卓世彥

屠隆

周延奇

鄧雲程

向古

郭正域

王廷陳

前人

吳國倫

前人

前人

前人

登將軍山絕頂

三江口

飲王行甫蒼蒼閣醉題

北征次赤壁別兄

散花洲

登黃州竹樓

人日過赤壁

受命知黃岡縣事作詩送使者

齊安雨夜思歸

新州竹簾歌

靈潤橋八首

烟波亭

登浮玉磯

麻城道中二首

雪堂詠懷二首

夏日過定惠院

費仙祠龍湫歌

黃州逢張體信大行邀飲赤壁別之短篇

舟及團風以事復回黃州

遊定惠院

乞罷南歸過黃岡次舊遊韻四章

昭化寺

登黃龍山望仙女臺

和伯兄遊鷄公山作

遊仙女廟

前人

前人

冬日登鳳樓山

留雲洞

登閣雲樓并序

遊太和初發

木蘭歌

拜木蘭祠

春日過函三閣

秋日過清泉

題溪塘寺

未樂塔

赤壁泛舟

赤壁

赤壁磯漫興

醉中泛赤壁漫興

悲高山并序

玉英堂

遊東衡山四首

遊龍廟

登擊空亭懷前令倪紹江二首

斬水道中

題斗方寺

空明水石并序

九日過清泉寺

步放鶴亭

赤壁圖爲胡允中賦

武磯山以上詩

念奴嬌赤壁懷古

前人

陳宗虞

官應震

前人

陳治策

屠達

王希元

朱期至

何其謙

陳所志

許宗魯

方尚斌

袁文伯

沈升

楊晉

劉養徵

前人

前人

李畿嗣

劉若宰

前人

黃正色

周中

孫引鴻

僧來復

無名氏

宋蘇軾

浣溪沙 黃泉寺作 前人

西江月 蘇軾 前人

水龍吟 有序 前人

水調歌頭 快哉亭作 前人

西江月 黃州中秋 前人

南鄉子 重九臨陽樓呈徐君猷 前人

滿庭芳 有序 前人

行香子 黃州作 前人

臨江仙 黃州作 前人

好事近 送黃州太守徐君猷 前人

江神子 有序 前人

哨遍 有序 前人

浣溪沙 有序 前人

浣溪沙 有序 黃庭堅

百字令 黃州作 滕賓

醉江月 赤壁懷古 無名氏

蝶戀花 蘇軾 明王士貞

前調 大觀 官應震

念奴嬌 赤壁舟中詠雪 前人

西江月 和長公蘇軾 前人

浣溪沙 和長公蘇軾 劉應昌

職方典第一千一百八十五卷

黃州府部藝文四 詩詞

過瀾江磯 即茶房石在瀾江中

明陶安

朝來東北好風生吹得雲帆似葉輕穩向瀾江磯嘴

過怒濤噴薄不須驚

泊新生洲 前人

中流突起新生洲南岸猶稱下矮劉熟睡不須愁夜

雨曉看黃鶴立雲頭

望新州 楊基

未見新州城已見新州山諸山初不高蒼石嶺且頑

想當至正時民物庶以繁大江從西來萬里不閉關

茲山獨儲英羣雄出其間遂為禍亂階滋蔓莫可芟

憶我聞亂初我方總兩鬢侍立父母旁聽說國步艱

焉知三十年見此童與昔骨肉亦已零安得髮不斑

披榛欲弔古豺虎愴我顏蒼茫望茅宇日落孤舟還

環翠亭 高啓

環翠亭開紫雲裏更拔巒峰并雉水千崖秀色傍蔥

浮萬壑濤聲從座起煙消日出天落落玉壺倒插金

芙蓉鉤簾相對坐長夏灑然冰雪生心骨

赤壁歌 方孝孺

東夏口西武昌赤壁峭絕當中央好雄將軍氣蓋世

敗卒零落慚周郎得鱸魚沽美酒孰若黃州蘇子瞻

謫向江湖動星斗噫吁噫曹公氣勢蘇子文章人物

銷鏖塵跡荒涼惟有江山千古萬古共流長

詠赤壁 藍潤

長江西來雨如霧赤壁蒼蒼風雨暮草木蒼疑橫槩

時塵沙尚想焚舟處烏林渡口下舳艫曹瞞已料無

全吳陣前部曲走劉備眼前談笑輕周瑜君臣謀合

士鼓勇玉帳旌旗亦飛動樓櫓晴空烟焰高魚龍白

日波濤湧荆門半落駐殘兵野曠不聞鼙鼓聲戰骨

秋埋胡地草捷書夜報石頭城雄圖霸氣兩消歇地

老天荒秋一葉石上殘碑過客題沙中古劍漁人得

漢王祠枕碧山隅諸葛臺荒野鳥呼千年忠義出師

表萬古江山八陣圖

竹樓 何喬新

黃岡使君文中虎勁氣英英隘寰宇西清東觀莫容

身又擁朱轡守江渚江雲山雨畫冥冥使君對此若

為情驚濤風見蛟龍舞老樹愁閑猿猴鳴平生才名

冠當世每吐忠言裨國是哆咄竊笑奸諂排一身南

北長如寄使君知命不解愁竹樓閣起江之陬笑呼

斗酒酬前哲風帆沙鳥任沉浮仙遊今在蓬萊島陳

迹荒涼蔓草我來不見樓中人自酌寒泉薦蘋藻

定惠院步蘇公海棠詞韻 邵寶

草堂三間倚林木如魯靈光巋然獨當時坡老賦海

棠遂使荒丘頓超俗乾坤俯仰五百年多少高陵變

深谷愛人及物自古然甘棠在野鳥在屋誰將蔬圃

一治之彼哉鄙夫徒食肉今之太守關西索友盡今

人猶未足况逢別駕是同鄉前日臺端望九淑登臨

弔古每賦詩萬丈虹光吐便腹清標既逼雪堂雪雅

韻還宜竹樓竹我持憲節東南行偶防黃岡一遊目

高山仰止同此懷如親巍峩在西蜀雄篇可讀不可

和白雪渺渺天邊鶴一株培植兩侯心酌酒醉公歌

我曲願言折竹作新籬等閑莫遣鈴羊觸

至李坪驛始見竹筏上居民連亙三十餘家云

隨流上下作簟治板行販 王世貞

何必問故鄉浮家任儂住一夜便風來盡呼鄰里去

過弘化庵四首 茅瑞徵

閑行郊外遊載酒山前寺幾處寒雲生雲臥人時至

又

蕉影橫窗綠鐘聲引梵長坐看秋色老簾外月如霜

又

曲徑風敲竹前軒月轉廊此中栖託好清興得誰嘗

又

寒到清谿水長吟白社詩還同真率會剩有酒盈厄

過孔子問津處 前人

驅車循四顧晴窗來遠曙一水不容刀征人戒勿速

寒裳往從之下流苦沮如試扣此何爲云是問津處

在昔鳳戢羽深心嚮誰語屏營岐路側所遇溺與沮

避世不避人相對一何傷千載憑遺跡山川應何據

我來出其傍茲行豈游豫六關阻高飛九折空叱馭

雖馳雲外想已作粘泥絮仰止步荒祠低回不能去

由清泉過茶泉建亭其上 卓世彥

沛水多泉瀑茲泉獨擅名先賢風漸遠而我感常生

養若何年事開亭此日情枯腸煩渴久一掬有餘清

寄題清泉寺函三閣 屠隆

一代文章萬古希山川賴爾亦增輝狂夫若問西來

意孤鶴橫江赤壁磯

蘭溪江晚 周延奇

西日赤烘天晴江正練懸歸舟紛打岸野寺暝生烟

九日登聚寶山

鄧雲程

寶山山畔一停車風雨歸來笑散廬赤脚紅雲僧送

酒斷崖絕磴鳥傳書數聲愁髮垂垂白累劫名根漸

漸除唱晚踏莎紆老眼江湖留得幾樵漁

登赤壁醉江亭 向古

羽客何年去不歸白鷗烟艇望依稀雲深絕處迷樵

徑水落前灘長釣磯古閣荒涼人已遠殘碑偃臥草

空肥登臨重話興亡憾搔首江天醉落暉

題木蘭寺 郭正域

丹梯翠殿俯蒼蒼萬仞千盤接渺茫山勢欲凌碧落

近香烟直與紫霄長南瞻鄂渚通王氣北顧中原鎖

帝鄉爲憶木蘭當日事眼前誰是鐵衣郎

黃岡山莊雜興十章 王廷陳

老夫諳稼穡次第尊園廬對酒唯田父呼門絕里胥

桑麻經雨後花竹宛春餘如此生涯足何勞薦子虛

又

事去心愈壯年來迹轉孤濯纓臨漢沔安枕荷黃虞

春澗偏魚鳥秋廳近竹梧出逢鄰叟飲醉倩野童扶

又

避入開石戶覽物坐山堂湘岫寒增色江離晚更香

卜居悲楚客招隱憶淮王寂寞吾甘守浮沉念總忘

又

計拙堪時棄謀生托野人鶯花無約束木石有比鄰

溪上龍思蟄林間鳥學呻逢人無一面語契即相親

又

天地一虛舟浮沉雙白鷗半生從失計萬事不關愁

又

圖坐晴逾麗畦行晚更宜客從羅逕入自笑葛巾敝

果熟山禽戀林馴野鹿隨憑欄契物理衛足頗欽葵

又

樹古村墟僻江寒邑里秋過雲頻送目累月不梳頭

廢禮緣多病求仁未寡尤呼兒問網苦明發上漁舟

又

葉減山爭出林秋景故偏候虫喧冷砌過雁影晴川

月酌沾松露楓吟雜澗泉何人會幽興寂寞自鳴絃

又

物換竟誰使朋來非我期曙光隨日薄秋籟入雲悲

速婦開新釀從兒誦古詩自爲真率飲忘却髮成絲

又

蘿軒時散帙苔潤亦垂綸翠竹供詩遍蒼林佐酒頻

岫重遲見旭源曲易迷津早契沉冥理難爲俗子陳

又

石磴接巖扉行行上翠微賓朋花下至雲鳥竹邊飛

韶景度欲盡舊遊存苦稀蘇公何可作今古一沾衣

又

結侶乘喧出憑高望眼開闊闊深負渚陌陌曲侵臺

展席春雲映歸軒夕鳥催回看遽陳迹相送轉徘徊

又

買舟三百里江上見柯山古徑雙橋外方塘萬木間

入門花石喜留客水雲閒若與王猷共山陰那得還

又

紫萼開作徑灌木不知年未解亭相錯翻疑地屢還
烹葵支舊鼎種樹續新編總失千時計端居亦晏然

又

散步出幽籬羣芳送酒厄隔城嚴漏下近寺暝鐘遲
秉燭雲生榻停歌月滿池不禁酣欲臥敢謂老能詩

過龍眼磯在贛州江心

前人

片石亂流中巋然抗佛宮諸天龍樹表萬象展樓空
花雨都成雪濤驚不爲風孤僧客膝處處應與海門通

題浮玉亭

前人

石扼中流險亭當一柱支河山懸震盪日月莽推移
岸樹微茫出風帆上下馳望中吳楚盡秋色最堪持

登將軍山絕頂

前人

非關性僻耽丘壑何事猿騰絕頂過千嶺遙翻紅日
出萬松深護白雲拖雄圖尚說爭蠻觸猛氣驚看印

薛蘿崖上足趾荒蕪滿眼巉巖煙霧冷好將談笑釋
干戈

三江口

前人

孤舟落日下江關夜聽江聲逝復還逆浪捲空搖赤
壁黑雲將雨過樊山

飲王行甫蒼蒼閣醉題

前人

臨臯萬戶充南郭中有詞人讀書閣野客能乘野興
來一覽山川窮二郭山川佳氣鬱蒼蒼白雲黃鶴遙

相將庚亭南樓隔烟水春申故壘平林塘林塘烟水
自今古吳魏紛爭誰足武有酒且醉醉且歌圖麟書

鳳俱塵土塵土從來易誤人偏君閉閣甘沈淪爲問
江鄉殘知已能令此地生精神

北征次赤壁別兄

前人

北風何意攪征裘無奈浮生寄遠遊江湧亂雲赤
壁客乘疎雨過黃州尊前涕淚三湘暮別後音書九

塞秋我向燕臺望鄉國飛鴻落木使人愁

散花洲

前人

一區芳草色云是散花洲無復周郎反惟應漢水流
雲生西塞麓月隱大江舟旌旆宿依漁岸寒鴉噪未休

登黃州竹樓

沈愷

伐竹爲臺拂紫烟琅玕風骨尚依然不將金碧供時
好自受清幽淨俗緣爽響遠從空外落翠聲若爲谷

中傳秦樓謾憶雲霄裏一欄清風自歲年

人日過赤壁

王同軌

今年人日條風柔邀客把酒臨江樓青陽乍驚七日
復赤壁尙帶三分愁鯨魚驚立斷冰遠炙背僧眠孤

石幽入眼烟波動遊興那能長繫木蘭舟

受命知黃岡縣事作詩送使者

徐冥

紅旗招展壓滄浪書舸長驅上洞庭百里生靈新撫
納九重天語自叮嚀猿啼山月灘聲咽離吼江風水

氣腥好語湖湘諸將帥漢家信誓重丹青

齊安雨夜思歸

鄧楚望

獻楚傷難遇在陳不可留停雲生遠夢聽雨亂鄉愁
芳草客中路春風江上樓無端羈旅思白髮對滄洲

蕪州竹簾歌

郭鳳儀

齊安土瘠百不宜斬春竹箭生獨奇疎節洞幹畏煙
霧色參碧玉多華滋尤物自合神理惜良工競采舍

芭枝欲矜意匠誇能手若濯江漢曝朝職幾經折鐵
等筵葉一加織組同線絲就中巧思誰更識藏倪續

斷渾不知綢繆但見雙文密摩挲驚歎眼還迷鮫人

夜杼剪綃綺游魚吹浪搖文綺已聞滑溜能仆雞更
笑苦濡啼癡兒鱗阜江山獻綺羅大清夜月宿嫦娥

鳳凰岡上晨鐘響龍眼磯頭夕照多城北荷花開錦

帳湖東春水泛金波鴻州烟雨將收盡龜鶴梅花雪

滿坡

靈潤橋

劉南金

水氣何氤氲星蟾夜相薄西風似有情散作霜花落
試叩碧流痕冷然動清響驚開石上雲飛去松花上

又

道人臨水渴一飲即成酣欲問飲時味沉吟不解譚

又

坐見石光飛瀑音亂花徑應有石中人慙慙奏笙磬

又

誰把天漿溢仙人不復掃一酒秋塵空千峯顏色好

又

怪得石橋路無風雪自沉夕陽涼易足聽罷素心迎

又

每到月明時似有江湖送青山不可收白鶴閑相弄

又

時呼洗藥僧共臥青蒲背那知禪夢中誤道天花碎
漢水連天闊紅雲護曉寒青青山數點正好倚欄看

烟波亭

吳琳

登浮玉磯

鄒志隆

石閣凌虛勢欲飛江沙積玉動浮磯平分堞雉當軒
出遙帶初鳧入檻依白社未招心亦醉青山有分願

非違使君好追風流事赤壁移來在水沂

麻坡道中二首

袁中道

天雨乍霽雲乍拆馬首諸山齊獻翠峰巒兀何處
峰淡雅鮮妍可憐色長途遙遙無止息北風夜起轉
愁絕馬鈴一片送殘日烏鴉千點古墳側我有新愁
寫不得

又

山骨嶙嶙忽起脊中間尺餘馬蹄跡只道山石破馬
蹄誰知馬蹄能穿石莫言此石太辛苦南山石閣北
邱土石深一寸土無數馬上兒郎方笑語

雪堂詠懷二首

鄒迪光

夙抱理人術亦懷憂民心如何事繼牽托志翰墨林
薄雲逗疏館當軒列遙岑喜絕人吏跡兼之鳥雀音
對此坐偃仰南薰溫衣襟鳴琴不下堂古人予所欽

又

魯連非吾尚子牟非吾師出處道自合懽叙理亦齊
曰余剖符竹竭來湘之涓披腹報朝雲露冕攀春籬
魏闕信敞庭齊祖豈土埃所以磬折間吏隱常在斯
曾似蒙莊子昔者歎爲犧

夏日過定惠院

前人

不向空門住那知化日長江烟低佛坐山翠濕僧房
忍草侵衣碧曇花上履香脚跌分半榻人境已微茫

費仙祠龍歌

瞿九思

我聞橫岡有山山東頭蛟龍作窟多龍湫其下絕壑
深潭不知幾千尺仙人往往稱靈丘誰爲此者乃兩
水聲怒吼自觸激費家兒子纔淹留我有所親在山
麓千家兄弟姊妹族有時咏歌來舞雩耶君有傳長

披讀君去如今幾朝代鬼物精靈仍不改只今尚有
雲浮浮四時谷口風颼颼此地君民百不憂五風十
雨將何求村醪社鼓今千秋憶昔親征陳友諒君來
隱見都陽湖底事君真神絕異人今廟宇康山住前
戴江頭虎負隅烹肌吸骨無完膚須臾有詔還京都
莫是皇天遣使君來驅風雷倒走蛟龍趨登時黃雲
掃盡青天孤天平天乎安得借君甘霖雨天下坐令
四海無乾枯

黃州逢張體信大行邀飲赤壁別之短篇

王廷相

昔爾作賦吳王臺西湖桃李不敢開我一見之歛飛
動撫掌呼爾班揚才走馬還空冀北羣天街唾手揮
青雲星槎一日浮江漢洞庭黃鶴生氤氲西來行路
迷芳草豈謂相逢齊安道赤壁翻開歌舞筵百壺爲
我撼懷抱懷抱悠悠笑此身文犀意苒爾能明掉頭
覆手何爲者青蠅貝錦喧謗聲世事龍鶴樹榛棘驂
驢拳踞鳳凰食男兒六合無相知安得攢眉自摧抑
去去高江隨片帆濯濯洗耳巴山岩當筵盡脫魚腸
綬白眼青天真俠義江東雲渭城雨交情儘使傾今
古楊朱泣楚狂歌逢君不醉將如何君不見赤壁磯
頭一片月曾照英雄血戰時英雄已銷明月在煙波
浩渺令人悲分明感激眼前事莫向人間問奕棋

舟及團風以事復回黃州

前人

邇發齊安城野憩團風坂簡書申吳命造次促權返
中夜凌遠江侵晨見南嶽推蓬納升旭覽勝紛可辯
岳桂霞影蕩江籬露珠泣時物豈不麗滯旅與莫展
鹿門逐耕稼太史樂遊行高賢難自許千祿竟忽泮

重來日云發歸計路應緬長嘯行曠達偃臥戒憤懣
勞謙業已廣止坎道乃善是氣與日攜持此庶可邁

遊定惠院

前人

萋萋芳蕪郭查查青蓮宮隔障瑤瑤林亭午聞霜鐘
雲霞紛綺麗木石遞玲瓏鶴心愜蒼郊苦旅據幽棕
既登雲中閣復眺江上峯水沿狎鷗島洲望斂芙蓉
已協隱淪趣堪擬蓬壺逢惜非虎溪遊一笑證遠公
濁世豈不厭妙道要可通妻孥歸性真宰丞亮天工
義旨顧靡借慨息方彌重獨有滅心垢可與淨者同

乞龍南歸過黃岡次舊游韻四章

第三

林大輅

雙眸紫氣橫西郊寒飈廣伊懷西方人眷茲滄洲實
景曠融道情豈牽轡纒想仰高盼山椒東流大江朗
渚鳴琴鳴飛烟舒獨鶴上喟予謝浮榮敢言懷疎放
荒荒古木疎綿綿雲長虛無只蓬瀛長公得真象
從之不可追試招漁人傍

又

杲日照北林丹崖俯幽壑澄澄流碧於藍凝風吹雲漠
遠渚旣繁紆層峰亦連絡樵路莽荆榛村樹棲鳥雀
緬彼達士懷形骸非有託撫化薄浮名招搖千古樂
我今已明農重游宛如昨神曠物徒繁歲寒江猶廓
縱談天壤間豈復知龍螭巾島借樵漁聊謝世人度

又

昔者蘇長公淹留黃泥坂羈旅本無營草瓢同歲晚
武昌魚雖薄猶勝惠州飯赤壁對暮齡扁舟亦繾綣
才高愛者稀飽落還混沌兩賦達元門萬事奚寒暖
二客者誰何時亦樂嘉道張翰烟雲委陳琳天趣遠

方舟夾雙流淡日輝霜憶往事春深衷茲游亦嫵婉
北風吹歸與麥斜林臥穩豈無他年懷江湖終偃蹇
昭化寺 周申

佛坐青蓮宇僧依白社堂龍降珠自抱鶴懶夢偏長
帶雨看鋤藥栽雲學補裳晚風吹月色晏晏度名香
登黃龍山望仙女臺 前人

會賦峯頭仙女臺拂雲山色轉崔嵬路殘瑤草翻春
約不見桃花逐水來峭壁丁丁樵唱起垂蘿裊裊鳥
飛回無名石刻苔難沒西望佳人首重迴
和伯兄遊雞公山作 前人

秋日登山秋氣清乾坤著眼越秋晴雁回湘浦人無
信地入柴桑菊有情一路曉風生兩屐萬家烟火起
孤城弟兄不共茱萸約惆悵峰頭酒獨傾
遊仙女廟 前人

仙祠突兀峰頭出鳥道微茫石磴迴鷗犬有聲難問
俗夢魂無歲不登臺馭風忽逐朝雲散鳴榔疑從夜
月來千載高堂懷宋玉徘徊欲賦愧非才
冬日登鳳樓山 前人

烈烈山風吹褐衣蕭條野寺見僧歸日移林影鴉頻
噪水落灘聲雁忽飛盛世行藏甘歲晚晚朝生養總
恩輝江村不為經兵燹何事年來鷄犬稀
畱雲洞 陳宗虞

古洞解留雲不解留車馬笑此行路心又逐山亭下
拂衣向前檻洞雲夜堪把蒼狗與白衣出岫何爲者
爲霖在九垓從龍亦瀟灑
登閣雲樓 井序 官應震

潘邑山川甲於郡屬其南門對岸峭壁巖巖臨水

依山數千百年僅一東坡居士爲此地知已而以
擊空明三字鐫之巖石先恭人藏魄處距邑治可
六十里而遙余諸生時以展墓取道城南尾先中
議大夫後復徊留之不能去者蓋三十年往矣先
中議有恙卜居而未逮也會歲戊申大浸稽天祖
居黃岡之烏林鎮苦懷襄甚延徙而希故以黃岡
人遂爲涪人者始此於時即從巖上創有小樓命
名閑雲旦晚憩息身世都忘不謂以進賢冠別此
樓去往再宮輟歷如許居諸而後乃今得解組歸
也登樓紀事爲歌一章聊以寫山水之癖云爾

是人盡忙雲獨閒山前水前自往還但能無事常垂
釣與人遊分非人間愧我半生忙欲死所以棄官如
棄履幽居中復何爲願向禪門問宗旨禪門苦行
古來難雪山東殺佛所安衆生受盡無明障灌頂穿
膝慮其殘聽說神仙能到手願養金丹道之母安期
羨門如尚在漢武如何稱豈有黃芽白雪想難尋姪
女嬰兒誰匹偶願作君平賣卜身君平賣卜遠隱淪
小人有母欲待養豈是東西南北人願學手譚三百
六河洛圖書數不熟拋却從前勝負心如何黑白空
相逐此外中心何所耽開元大業強爲慚高適學詩
年半百我今半百又過三歷盡苦腸嘔不快不如兀
坐學癡癡癡兀坐車可學混沌元神忌離鑿鷄猪
牛魚蓬著吃生老病死總是樂雲亦閒今我亦閒却
是大慈還大覺

遊太和初發 前人
聞說仙關迴隔塵千年遊子擁蹄輪蕭蕭短髮纔尋
勝只恐山靈解笑人

木蘭歌

陳治策

我聞木蘭一女子代父從軍不惜死女也男乎誰得
知六尺龍蛇乃如此泣辭爺娘到戎行甘苦親同士
卒嘗羽插御林天可汗鐵衣敢畏征途長一十二年
戰場裏仗劍鳴弦銳無比陰山墨塞韓夫人瀚海軍
開李娘子陣勢旌旗舉弗絕疾走衛尉風斷黃沙
綠海排飛濤馬隊殘春踏冬雪日落還營南望歌聲
聲怨殺渡黃河黃河一渡遠膝下翻使親悲女枕戈
捷書一旦露章上天子咨嗟稱偉壯列名賜賞懸通
侯木蘭但乞歸無恙玉門生入自古稀凱旋聯轡
繼羣死生音耗久不一舉家覲面看如迷將軍丰采
號英特怒改紅妝另一格都頭健兒各自嗟何爲同
隊殊阡陌蛾眉燕額原截如木蘭一轍同與徐從此
不敢量巾幗還笑男兒讀父書

拜木蘭祠

屠達

躍馬揮戈絕域還角巾歸第舊婢娟十年長劍倚天
外一日紅妝拜膝前城號夫人應並烈谷名孝子竟
誰賢巖巖山色堪千古不用丹青麟閣傳
春日過函三閣 王希元

一望平川暮靄收千家城郭月華流人從薜蘿知幽
處燕啄香泥過畫樓洗藥經年泉石碧譚禪終日雨
花浮坐來自許能忘世野鶴孤雲任去留
秋日過清泉 朱期至

古寺齊梁舊河沙遠至今高松歸暝鶴荒砌啄寒禽
欲証無生理空談不住心老僧閑臥穩吾亦擬投簪
題溪塘寺 何其謙

溪水長流溪寺側面臨山勢如弓月老僧眞朴渾無

事敲得鐘聲送遠客

永樂塔

陳所志

永樂塔在蕪水西北石門華埠兩山間高聳出雲霄其初有石碑存上鐫天福三年造蓋五代后漢隱帝時也世傳塔之層級凡十有二元至正時忽一夜雷震去其三級在今攝湖中與木勢自為消長今其存者九級而已人陟其頂尚有豐隆轟殘之跡為詩紀之

崛起修虹薜蘿分凌霄猶自嘆孤羣欲尋天福三年字却憾健兒一炬焚

按天福之碑為賊劉六劉七出油河時過此焚掠而滅也後崇禎丁丑獻賊盤踞其間見其崢嶸突兀疑其中有寶氣會土人有避寇於內者賊逼數千人冒死日掘下有鐵柱復越境求煤斷之詐為得寶劍兵書而去今惟存其浮屠之址

赤壁泛舟

許宗魯

輟翰去幽館揚舲泝涇淵澄淵饒羽蓋倒影浮賓筵前眺霞壁麗側泛雲島妍聰颯颯微颺縹緲通川岸妾媚嘉月水容漾遙天雜卉芬紫紉鮮葩耀碧泉躍鮮擲素波瑟羽吟繁絃嘉明艷簪盞時景華年淑氣怡賞情和春薄冲玆擷芳縱泮渙命酒恣雷連俯仰攬故蹟懷望懷昔賢雅抱良不窮既醉陳茲篇

赤壁

方尚斌

丹崖壁立何嵌嵌萬仞下插滄江深帶郭連岡迴作障倚空臺石高為岑乾坤開闢幾千載陵谷遷移此山在三分割據如夢中往事隨波向東海子長年少頗好遊我亦鼓柁瀟湘流五月莫過滬濱石累日更

宿崢嶸洲舟人指點話赤壁壁下清風宛如昔雲根半掩赤壁青水面一片滄江白從來人世幾登臨俯仰徒悲千載心蘇子賢豪已陳迹兩賦留傳空至今

赤壁磯漫興

袁文伯

赤壁水落石灘灘我來石上投竿綸渭濱之璜那可釣白魚吹浪如相徇衙門豪客寄沁水忘饑豈是河中鯉罷釣浩歌懷美人美人隔岸拾芳芷會須散步孤鶴洲問我何如壬戌秋我思東風月猶昨清風江上同悠悠顧我老非西蜀客沉淪弗夢長安陌醉餘枕石蝴蝶飛覺來仰見東方白

醉中泛赤壁漫興

沈升

東山月出白晶晶有客載酒浮中流瑤瑤萬頃際空碧白露橫江澄素林興來扣舷歌弔古情更傷英雄不盡意流恨與江長當時曹孟德誰復識周郎舳艫千里來江東張目視吳吳已空誰知死灰還復焰一霎吹起東南風我愛眉山翰墨雄豪吟月下暗能同洞簫吹徹楚雲渺滄海一粟看浮蹤魏氏經營代炎祚不值蘇家一詞賦銅臺舞榭久荆榛落葉紛紛眼前墮君不見江上月古今來幾箇缺君不見江中流前人血戰後人遊文章事業總成幻天地萬物見蟬蛸不如投却蘇子筆不如折却曹公矛滄海魚已肥磁甃酒新簫木蘭之機沙棠舟但願金尊常盈月常滿夜夜來為赤壁遊醉裏藏真足為樂何須更夢臨臯鶴

悲高山

楊晉

高山郵舍也距邑三十里丙子冬設險高山濟尉魏時光以鄉兵守之賊初不敢度相持旬日尉夜

襲賊有首功翌朝賊大至尉馬勒斷被執不屈死殺氣障天天下不雨中原白晝驅豺虎無賴少年好英雄武擁尉登壇建旗鼓尉也膽氣本粗豪百金市馬如人高馬上結束青絲絲左右馳擊雙寶刀拳旗斬將不足數眇視秦寇同鴻毛軍中昨夜傳飛箭鐵騎西來亂如雷不聞犄角有何營獨引鄉兵當一面健兒身手等閒強矢石未交先怯戰聚寡相持大不如支吾日久情形見尉也膽氣真絕人夜叩壘門惟一歸來笑擲人頭臥不知禍福如轉輪亂流馬嘶侵曉度高山遙望寧知數竹筒一吹已會圍塞斷孤軍歸去路此時投劍怒衝冠翻身上馬突圍看黃巾赤眉有羽翼有將無兵勢難測兇卑脫處戰尤酣勒帶斷時死不得可憐壯士在垓心援師望絕無消息高牙大纛坐城中薄祿微官死山側朝廷有事項將才豈復下僚多屈抑高山燐火繞忠魂為爾悲歌淚沾臆

王英堂

劉養微

昔我夢西遊騎龍上青天舞身凌竹影忽憶崑崙巔崑崙何處崑崙上與雲漢連遙逢綠髮翁三五相周旋一見顧我笑揮手開雲關五城十二樓恍惚霞變遷青螭坐我側白獸跳我前有鳥名鳳凰雙啼玉樹煙久不見人世於今三十年天鷄鳴扶桑車馬喧闐闐世事日煎迫曉出皆未還今登玉英堂記憶尚宛然雖異天上樂頗無區中綠花叢深竹映蝶飛娟娟青山四週遭雨歇春可憐登樓發長嘯縹緲來羣仙

遊東衡山

前人

澗曲重岡隱郁幽密樹交鄰鷄啼竹塢松風落藤梢積陰滋堦鮮方冬補屋茅北風吹古木還擬孟城坳

又

竹裏頭陀寺開門對五峯抱崖深古雪亞石折危松
澗谷逢僧話冰霜印虎蹤登臨隨喜雲臥聽晨鐘

又

大壑響松風飛泉掛玉虹嶺後接樹灘石正排空
隱見蛟龍關奔騰霧雨濛白沙漫浩浩斤竹古河通

又

鮑子讀書處危峯坐翠微六朝孤石老千載到人稀
衡嶽通元氣匡山對落暉登臺回首懷古一沾衣

遊龍廟

前人

大樹晚陰陰長歌入翠林石連樓閣起雲隱洞門深
澗水流開闢山花雜古今振衣登絕巘潭底臥龍吟

登擊空亭懷前令倪紹江

李畿詞

漠漠寒潭遍野花空亭猶自鎖殘霞何如潘令栽桃
日贏得河陽萬口誇

又

一水環臺兩岸花夜深燈火散雲霞風流入去高碑
在常得兒童信口誇

斬水道中

劉若宰

藤花藤蘆水潺潺無數閒雲腕上拈忽到遠山愁閣
筆却橫秋色在眉端

題十方寺

前人

何年開闢此山來曉石凌空噴雨雷最是白雲深如
客只教烟霧鎖寒苔

空明水石

并序

黃正色

縣河南岸石壁下爲龍湫石上鐫擊空明三字相
傳爲蘇子瞻筆山頭有閣顏曰空明亂後毀矣

空明一碧水沉沉欲覓蘇書石上尋却得風塵來短
棹不須幽討入長林月生自醒巖樓鳥雲到常連亂

竹陰高閣已灰燼未改夜深還似有龍吟

九日過清泉寺

周中

九日登高侶扶筇破野烟欲酬黃菊酒漸入白蓮禪
望遠雲依樹歸遲月過川疎鐘兼暮角同到客愁邊

步放鶴亭

孫引鴻

長嘯答空響悲懷萬谷隨澗流松露冷鶴聽竹風吹
山靜寒蛩悅秋深落葉知登高望太古攜手怕皇時

赤壁圖爲胡允中賦

僧來復

江空水落寒無波倚天赤壁高嵯峨雪堂老蘇從二
客攜酒夜載扁舟過中流扣舷發棹歌有酒不飲當

如何鯪魚三尺鱸白雪臨風細酌金叵羅酒酣耳熱
歌再起直溯空明三百里一聲孤鶴橫江來明月在

天天在水湄月呼嫦娥仰天聽天語洞簫吹徹廣寒
秋却挾飛仙共高舉人生行樂須及時昨日少壯今

日衰功名自甘等炊黍英雄徒爲曹瞞畫史獨何
心丹青託千載江雲山月想登臨彷彿圖中見風采

後來遊賞豈乏賢文章不如元祐前萬金詞賦爛星
斗迢迢騷雅光聯翩先生別去陵谷遷漢漢宇宙迷

荒烟臨阜鶴夢骨可仙誰同此樂消閒年

武磯山

無名氏

寂寞武磯山上樹蕭條遯卓水中天垂楊不管人間
事猶自青青兩岸邊

念奴嬌

赤壁懷古 宋蘇軾

大江東去浪淘盡千古風流人物故壘西邊人道是
三國周郎赤壁亂石崩雲驚濤拍岸捲起千堆雪江

山如畫一時多少豪傑遙想公瑾當年小喬初嫁
了雄姿英發羽扇綸巾談笑間檣櫓灰飛烟滅故國

神遊多情應笑我早生華髮人生如寄一尊還酹江
月

浣溪沙

清泉寺作

前人

山下蘭芽短浸溪松間沙路淨無泥蕭蕭暮雨子規
啼誰道人生無再少君看流水尚能西休將白髮

唱黃鸝

西江月

蘇軾

前人

照夜瀾瀾淺浪橫空樓閣微香障泥未解玉驄驕我
醉欲眠芳草可惜一溪明月莫教踏破瓊瑤解鞍

敲枕綠楊橋杜宇數聲春曉

水龍吟

有序

前人

閭丘大夫孝直公顯嘗守黃州作棲霞樓爲野中
絕勝元豐五年予謫黃正月十七日夢扁舟渡江

中流回望樓中歌樂雜作舟中人言公顯方會客
也覺而異之乃作此詞

小舟橫截春江臥看翠壁紅樓起雲間笑語使君高
會佳人半醉危柱哀絃艷歌餘響遏雲索水念故人

老大風流未減獨回首煙波裏推枕惘然不見但
空江月明千里五湖聞道扁舟歸去仍攜西子雲夢

南州武昌南岸昔遊應記料多情夢裏端求見我也
參差是

水調歌頭

快哉亭作

前人